

Izjava OHR-a na konferenciji za medije međunarodnih organizacija

Stranke vladajuće koalicije i Vijeće ministara moraju pokazati veći angažman na provođenju reformi

Jučer je visoki predstavnik naglasio ono što postaje sve očiglednije; bh. organi vlasti propuštaju mnoge od rokova koje su sami postavili za početak pregovora o stabilizaciji i pridruživanju, kao i mnoge rokove koji bi BiH učinili ozbiljnim kandidatom za članstvo u Partnerstvu za mir na sastanku NATO-a koji će biti održan u ljetu ove godine u Istanbulu.

Vijeće ministara postiže napredak u nekim oblastima; OHR pozdravlja činjenicu da će se na današnjoj sjednici Vijeća ministara razmatrati Zakon o sprječavanju pranja novca. OHR očekuje da će ovaj zakon danas biti proslijedjen u parlamentarnu proceduru.

S druge strane, OHR sa zabrinutošću konstatira da na današnji dnevni red za sjednicu Vijeća ministara nisu uvršteni nacrt Zakona o javnom RTV sistemu i nacrt zakona o RTV BiH.

Ovo je zaista zabrinjavajuće, budući da time Vijeće ministara sada smanjuje svoju šansu da ove zakone provede u rokovoma koje su sami postavili. Time će takođe biti u znatnoj mjeri umanjena šansa za nedležne entitetske organe vlasti koji pripremaju i usvajaju usaglašene zakonske propise o javnim emiterima da to urade u rokovima koje su takođe sami sebi postavili.

Kao što znate uspostavljanje emitera za cijelu teritoriju BiH koji će imati propisno finansiranje, biti nezavistan i

moderniziran, je jedan od šesnaest zahtjeva za početak pregovora za zaključivanje Sporazuma o stabilizaciji i pridruživanju – BiH mora ubrzati tempo provođenja ove reforme.

Činjenice su jasne – ukoliko se nastavi dosadašnjim tempom, biće izgubljen zamah koji je postignut prošle godine. Pitanje na koje se mora odgovoriti je šta će sada uraditi institucije: Vijeće ministara i parlamenti, ili možda još važnije, šta će uraditi stranke koje su izabrane na osnovu evropske platforme?

Donald Hays prisustvuje konferenciji za djecu sa slušnim oštećenjima

Za one koji bi mogli biti zainteresovani, Donald Hays će učestvovati na konferenciji za medije u Hotelu Bosna u 2.30 sati danas poslijepodne. Konferenciju za medije je organizovala grupa doktora koji rade sa djecom sa slušnim oštećenjima. Ambasador Hays radi sa tim doktorima volonterski.